

Schnitzelbank 2016 für Vierzilinder

Bim Musik macha, Turnä, springä und au sitzä

Im Kupfeträff muesch immer grausam schwizä.

Jodler-fäscht und Konzert vom Orcheschter isch drum chum us zhaltä

Sogar bim Wiehnachts-ässä 64 plus, münds liede, üsi Altä.

Isch s`Tunnelwasser zheiss oder isch die Heizig zu pompös?

Mir hoffet es git ä Besserig- jetz neu, mit äm Schmööös.

Di plant Umfahrig Uznach, söll bim Löjä durä führe

Dä Andi chöönt dänn hinter em Huus, en MC Drive installiere.

Mit Pommes, Hamburger und Donats, wird Menuecharte jetz ergänzt

Mit Fast Food hüt doch s`Gäld - viel schöner glänzt.

D-Büss vom Castell Reisen chönt zum Platz dänn äbä nümä herä

Där Stiefelwirt muesst witer - nu Südfleisch-salat servierä.

En neue Schriber üssi Gmeind hät über choo

Mit Schwung und Elan startet er bi üs doo

Er nimmt sich sälber bald scho a dä Ohrä

Bi de erschtä Abstimmig scho – hät er dä Fadä verlorä

Ja und Nei – die Stimmä sind - leider durä nander gratä

Gäll Thomas, in Zukunft tuesch doch dich chli besser- beratä.

I däBibliothek det gits äs neus Konzept

Viel Jdeeä bruchts, - ah-regigä und au Rezept

Es wird det gmalet, ghämmeret und tapeziert

Vor Begeischerig wird au s`Bütsche stark strapaziert

Damä vom Empfang – bleibt do nu als bim altä?

Es wär doch schön - würdi ihres Outfit au nu neu gstaltät.

Mit Datum nimmt mehrs – ds Kaltbrunn nüd so gnau

Gmeindversammlig am Höche Dunnschti isch drum nüd so schlau

Dä Bürger fragt sich do – wo gohni ächt?

Au d`Schützü händ s`Gfühl - sie händ jetz meh Rächt.

Der Empfang vom Eidgenösischä – am Bettag findet er drum statt.

Die vom Konzert – vo der Kantorei, findet das halt nüd flott.

Die bedä Gmeindä und dä Rüegg – tüend zämä spannä

D`Holz-schnizel-heizig bim Altersheim - tüends gmeinsam planä.

D`Jdee wär supper – sisich jo fascht zum Lachä

Z`Rüeggä wänd jetz plözli nümm mit machä

Sie sägät, üses Gschäft das muess doch au rentierä

Mir chrapfjet sicher nüd – zum Ortsgmeind supventionierä.

Im Huus det undä häts - zviel Asilantä gha,

Drum fangts im Chäller äbä - z`brännä a

Der Ufbau nach em Brand – passiert so glii

Sind Uftrag ächt- vorher scho vergäh gsii?

Am Karli isch das sicher - au no alls zutrauä

Im Notfall tüend ihn d-Avokatä - det scho au nu usähauä!